

FERÐIR

FÖSTUDAGUR 28. OKTÓBER 2011

Kynningarblað

Utanlandsferðir
Innlend þjónusta
Fróðleikur
Forynjur og furðuverur



Stefnumót við fótboltahetjur og spennandi heilsuferðir

Áhugafólk um íþróttir og heilsu ætti að finna eitthvað við sitt hæfi í ferðum sem íþrótt- og viðburðadeild Úrvals Útsýnar skipuleggur fyrir fólk á öllum aldri. Deildarstjórinn Sigurður Gunnarsson segir margt spennandi á döfinni.

Við skipuleggjum viðburði tengda íþróttum; heilsuferðir, golfferðir, gönguferðir, skíðaferðir, æfingabúðir og keppnisferðir fyrir alla aldurshópa allt árið um kring,“ upplýsir Sigurður og segir enska boltann fyrirferðarmikinn um þessar mundir. „Hann hefur ávallt verið vinsæll en aldrei eins og nú, enda orðinn aðdráttarafl fyrir alla fjölskylduna. Einstök stemning fylgir því að fara á völinn, hlýða á og jafnvel taka þátt í fjöldsöng og upplifa nálægð við leikmenn.“

Fótboltaferðirnar eru sniðnar fyrir hópa og einstaklinga og býður Úrval Útsýn beint flug bæði til London og Manchester í allan vetur. „Við miðum ferðirnar út frá þeim liðum sem trekkja mest að. Þar koma Manchester United, Liverpool og Lundúnaliðin, Arsenal og Tottenham, og þessi sigursælustu lið sterk inn,“ bendir Sigurður á og bætir við að ferðaskrifstofan geti útvegað miða á alla leiki.

„Einstök stemning fylgir því að fara á völinn og [...] upplifa nálægð við leikmenn.“

Sól og náttúrufegurð bíður hins vegar þeirra sem leggja leið sína til Tenerife, blómaeyjunnar sívinsælu í Kanaríeyjaklasanum. Þangað skipuleggur Úrval Útsýn ýmsar heilsutengdar ferðir á komandi mánuðum að sögn Sigurðar. „Við bjóðum, í samstarfi við líkamsræktarstöðina Actic, upp á nýjung: tíu vikna aðhaldsnám-skeið hjá Actic undir leiðsögn þjálfara sem hefst í janúar og lýkur með heilsuferð til Tenerife í mars. Þar sjá þjálfarar Actic um spennandi dagskrá.“

Á Tenerife verða sömuleiðis í boði sívinsælar „Ný og betri“-ferðir fyrir konur undir stjórn Bjargeyjar Aðalsteinsdóttur, þar sem áhersla er á hreyfingu og næringarfræði. Bjargey fær þar til liðs við sig leikkonuna góðkunnna Eddu Björgvinsdóttur sem miðlar af reynslu sinni og



Fótboltaferðir Úrvals Útsýnar njóta ávallt vinsælda. Enski boltinn er til dæmis orðinn aðdráttarafl fyrir alla fjölskylduna.



Úrval Útsýn býður ýmsar sérsniðnar ferðir. Að sögn Sigurðar Guðmundssonar er margt spennandi fram undan.

þekkingu eins og henni er einni lagið. „Þeir sem vilja geta einnig valið um skipulagðar gönguferðir á Tenerife í mars eða í þýsku Ölpunum í ágúst þar sem gengið er frá morgni til kvölds og notið lífsins þess á milli á góðu hóteli,“ segir Sigurður.

Utan íþrótt- og heilsutengdra ferða skipuleggur Úrval Útsýn ýmsa aðra viðburði yfir árið. Sigurður nefnir sem dæmi fagsýningar fyrir kennara og kerfisstjóra á fyrsta ársfjórðungi 2012. „Við verður með tölvu- og



Hvern dreymir ekki um gönguferð um þýsku Alpna? Úrval Útsýn býður ferðir þangað í ágúst á næsta ári.

kennarasýningu, Bett, í London í janúar og aðra sambærilega, Education Show, í Birmingham í mars. Fagsýningar af þessu tagi eru ætíð eftirsóknarverðar og til marks um það stefnir nú í metþáttöku.

Golfiðkendur mega heldur ekki missa af spennandi jóla- og áramótaferðum til Spánar og svo eru skíðaferðirnar í Alpna alltaf vinsælar.“ Sigurður bendir á að allar upplýsingar um ferðir Úrvals Útsýnar megi nálgast á heimasíðu ferðaskrifstofunnar á www.urvalutsyn.is.



SKÍDAFERÐIR Í ÖLPUNUM

Á hverju ári fara þúsundir Íslendinga í skíðaferðir í Alpna. Gott veður, nægur snjór, frábærar brekkur við allra hæfi, ítölsk matargerð og skemmtilegur félagsskapur í heilnæmu fjallalofti Alpna, er upplifun sem allir ættu að njóta. Skíðaáfangastaðir Úrvals Útsýnar í vetur eru Selva val Gardena og Madonna di Campiglio á Ítalíu, en þar eru ein glæsilegustu skíðasvæði heims og hafa verið vinsælustu skíðaáfangastaðir Íslendinga undanfarin ár. Starfsfólk Úrvals Útsýnar hefur margra ára reynslu í skíðaferðum og veit hvernig þú vilt hafa skíðaferðina þína.



SKEMMTISIGLINGAR – FLJÓTANDI LÚXUS HÓTEL!

Tilhugsunin um fljótanda lúxushótel sem líður á milli áfangastaða er freistandi. með því að fara í skemmtisiglingu vaknar þú daglega á nýjum og spennandi áfangastað. Dýrindis matur er í boði allan daginn og langt fram á nótt og um borð er ótrúlega margt til skemmtunar. Úrval Útsýn er með samning við stærstu skipafélög heims og selur fjölbreyttar ferðir sem henta öllum. Skoðuðu úrvalið á www.urvalutsyn.is

— ÆVINTÝRIN —
GERAST Í
Ölpunum

VIKA Á SKÍÐUM Í
MADONNA Á ÍTALÍU FRÁ:
159.900 KR.

Verð á mann m.v. 2 fullorðna í tvíþýli með morgunmat á Hótel Hubertus.
Brottför: 18. feb 2012

MEIRA Á urvalutsyn.is

MADONNA OG SELVA
BEINT FLUG TIL
VERONA!

ÚRVAL-ÚTSÝN

Á slóðir forynja og furðuvera

Drakúla, snjómaðurinn ógurlegi, Loch Ness-ormurinn og önnur skrímsli hafa löngum haft ómstæðilegt aðdráttarafl í hugum fólks. Árlega heimsækir fjöldi ferðamanna staði sem tengjast ýmsum forynjum í gegnum þjóðtrú, hrollvekjur eða frásagnir sjónarvotta.

Flestir kannast við söguna um Drakúla greifa sem írski rithöfundurinn Bram Stoker gerði skil í samnefndri skáldsögu frá árinu 1897. Þar segir af illræmdum greifa í Transilvaníu í Rúmeníu sem öðlast eilíft líf við það að drekka blóð annarra. Ein fyrirmynd greifans var Vlad nokkur Tepes, aðalsmaður í Transilvaníu á 15. öld, sem nauð þess að staksetja óvini sína og var kallaður Vlad staksetjari. Ýmsir staðir tengjast Tepes en einna þekktastur er rúmenski Bran-kastalinn, byggður af germönskum riddurum á 14. öld sem þúsundir ferðamanna flykkjast nú til að sjá á ári hverju.

Bran-kastalinn er ekkert einsdæmi um aðdráttarafl furðuvera á ferðamenn. Árlega heimsækir fjöldi fólks staði sem eru annaðhvort söguvið þekkttra hrollvekja eða sögusagnir eru uppi um að þar hafi sést til vampíra, varúlfa, uppvakninga eða annars óskapnaðar.

Annað þekkt dæmi er Notre Dame kirkjan í París sem var byggð á 12. öld og þykir vera gotneskt meistaraverk í byggingarlist. Ekki er einstakur byggingastíll þó eina ástæða



þess að kirkjan er meðal fjölsóttustu ferðamannastaða borgarinnar. Vinsældirnar má líka rekja til sígildrar sögu franska rithöfundarins Victor Hugo, Hringjarinn frá Notre Dame, frá 1831 en hún segir af tilraun hringjara til að bjarga sígaunastúlku úr klóm biskupsins í Notre Dame.

Annar beljaki en öllu varasamari er snjómaðurinn ógurlegi í Himalajaföllum í Nepal. Hann hefur verið þekktur í Asíu um þriggja alda skeið og gengur þar undir ýmsum nöfnum, svo sem Yeti og Meh-Teh. Snjómaðurinn er talinn líkjast manna og gengur um á tveimur fótum og er því hálfgerð hliðstæða við Stórafót í Norður-Ameríku. Árangurslausar tilraunir hafa verið gerðar til að mynda ófreskjuna og aðeins náðst myndir af stórum fótsporunum í snjó sem sumir vilja meina að séu eftir hana.

Að sama skapi hafa verið gerðir út leiðangrar til að skera úr um hvort fótur sé fyrir tilgátum um ormlaga skrímsli í Loch

Drakúla er þekktasta vampíra allra tíma. Vinsælt er að heimsækja staði sem tengjast fyrirmyndinni Vlad Tepes.



Sumum þykir sem ljósmyndir af stórum fótsporunum í snjónum í Himalajafjöllum sanni tilvist snjómannsins.



Notre Dame kirkjan þykir margbrotið meistaraverk í gotneskri byggingarlist. Kirkjan er söguvið Hringjarans frá Notre Dame eftir Victor Hugo.

Ness-vatninu. Í þeim tilgangi var lítill kafbátur settur í þetta annað stærsta stöðuvatn Skotlands árið 1969 en hafði ekki árangur sem erfiði. Sú fýluferð hefur þó engin áhrif haft á þann stríða straum ferðamanna sem liggur til Loch Ness ár hvert þar sem vinsælt er að sigla á vatninu og svipast um eftir skrímslinu í von um að ná mynd.

Íslendingar eiga sína útgáfu af Loch Ness-ófreskjuni, Lagarfljótsorminn, sem sagt er að lifi góðu lífi í Lagarfljóti á Fljótsdals-

héraði. Ef marka má þjóðsögur og frásagnir sjónarvotta er ógrynni skrímsla að finna um land allt og helst á Vestfjörðum. Ekki er til dæmis lengra síðan en í sumar að kafari sagðist hafa séð dularfull kvikindi í djúpum holum í Geirþjófsfirði í Arnarfirði.

Þess má geta að í Bildudal er Skrímslasetur þar sem hægt er að fræðast um forynjur og furðurverur úr þjóðtrúnni.

Helstu heimildir: wikipedia.org og visindavefur.hi.is

Kynning - auglýsing

Enn betri þjónusta

Reykjavík Excursion – Kynnisferðir hefur þjónustað ferðamenn í rúma fjóra áratugi. Nú stefnir nýr framkvæmdastjóri á frekari uppbyggingu fyrirtækisins og þjónustu.

Við stefnum að því að vaxa og þá sérstaklega að byggja upp rekstur ferðaskrifstofu fyrirtækisins,“ segir Kristján Daniélsson, nýr framkvæmdastjóri Reykjavík Excursions – Kynnisferða. Kristján er ekki ókunnur ferðamálum en hann starfaði á Hótel Sögu í tæp 10 ár, þar af sem hótél- og framkvæmdastjóri frá árinu 2007.

Starfsemi fyrirtækisins hófst árið 1968 og hefur síðan þá verið í fararbroddi bæði í lengri og styttri ferðum fyrir innlenda sem erlenda ferðamenn. Þá hefur fyrirtækið rekið Flugrútuna til Keflavíkurflugvallar frá árinu 1979. Kristján segir uppbyggingu undanfarinna ára metnaðarfulla og hyggst halda henni áfram.

„Reykjavík Excursions – Kynnisferðir er gamalgróið fyrirtæki og hér hefur verið unnið mikið og gott starf. Fram undan er greining á innri starfsemi fyrirtækisins og að marka því stefnu til framtíðar,“ segir Kristján. „Við erum ferðaskrifstofa í dag en ætlum að skilgreina okkur upp á nýtt, skoða nýja möguleika og finna hvar tækifærin liggja. Flugrútan er stór hluti af okkar starfsemi og hefur verið rekin áratugum saman með góðum árangri. Við erum að



Kristján Daniélsson, nýráðinn framkvæmdastjóri Reykjavík Excursions, hyggur á frekari uppbyggingu fyrirtækisins.

Við erum ferðaskrifstofa í dag en ætlum að skilgreina okkur upp á nýtt, skoða nýja möguleika og finna hvar tækifærin liggja.

skoða möguleika á að auka þjónustu við farþega flugrútnar, meðal annars með aðgengilegri

vef til farmiðakaupa,“ útskýrir Kristján. „Ferðatíðni Flugrútnar hefur einnig aukist í samræmi við aukna tíðni flugs til og frá Keflavíkurflugvelli.“

Nýi vefurinn fer í loftið á næstu tveimur vikum en þar verður hægt að bóka far með Flugrútnu í tveimur einföldum skrefum á www.flugrutan.is/www.flybus.is. „Með útprentaðan miða kemst farþeginn beint um borð í rútnu og sleppur við biðraðir,“ segir Kristján.

Nánari upplýsingar á heimasíðunni, www.re.is



Þriggja mastra eikarskútan Fram.

MYND/NORDIC PHOTO/GETTYIMAGES

Tímamótaár hjá Fram

Skonnortan Fram er meðal þess sem skemmtilegt er að skoða í Ósló. Fram er talið rammgerðasta viðarskip sem smíðað hefur verið og var sérhannað fyrir heimskautasiglingar. Safnið Frammuseum, sem hýsir skútna, er á eyinni Bygdøy en þangað eru bátsferðir frá bryggjunni við norska ráðhúsið og einnig gengur strætisvagn númer 30 úr miðborginni. Eftir landgangi stíga gestir um borð í þetta magnaða skip, komast undir þiljur, skoða káetur, eldhús og aðrar vistarverur leiðangursmanna og virða fyrir sér vélbúnaðinn. Í safninu er líka forvitnilegt myndefni, bækur og munir frá ferðum hinna hugrökku, norsku landkönnuða og sleðahunda þeirra í fimbulkulda um ísilögð úthöfin.

Fyrsta ferð Fram var með

Fridtjof Nansen í tilraun hans til að ná norðrúpólnum á árunum 1894-1896. Otto Sverdrup stýrði Fram í þeirri ferð og fór síðar á skútunni að kanna eyjaklasa vestan Grænlands á árunum 1898-1902. Frægasta ferð Fram var þó með Roald Amundsen og fjóra fylgdarmenn hans til Suðurskautslandsins 1910-1912. Amundsen náði pólnum 14. desember árið 1911, fyrstur manna, rúmum mánuði á undan Bretanum Robert Scott sem fórst úr hungri og kulda á heimleiðinni ásamt öllum sínum mönnum.


Á Bygdøy eru fleiri sjófarendasöfn. Eitt þeirra er Maritime, þar sem siglingarmenningu Norðmanna eru gerð skil, annað er víkingaskipasafn og það þriðja, Kon Tiki, er um farkosti og ferðir ævintrýramannsins Thors Heyerdahl.

VITA - ferðaskrifstofa á traustum grunni

Ítölsku Alparnir

9 náttu ferð nýr valkostur!

Beint morgunflug
með Icelandair til Verona
Vinsælar gistingar að seljast upp.



Fararstjórn: Einar, Anna, Evert og Örn

**Þökkum
frábærar viðtökur!**

Flugáætlun:

- 19. janúar - **9 dagar**
- 28. janúar - **12 sæti laus**
- 4. febrúar - **8 sæti laus**
- 11. febrúar - **Uppselt!**
- 18. febrúar - **18 sæti laust**
- 25. febrúar - **Aukaferð**



Lilja Jónsdóttir er einn af ferðaráðgjöfum VITA og hefur áralanga reynslu af sölu skíðaferða.

Madonna di Campiglio



Hótel St. Hubertus 19. - 28. janúar ★★☆☆

Einn vinsælasti skíðastaður á Ítalíu. Þægilegar brekkur sem henta öllum!

Verð frá 157.900 kr.*

og 15.000 Vildarpunktar

á mann í tvíbýli á hótel St. Hubertus sem er þriggja stjörnu hótel á besta stað í Madonna.

Innifalið: Flug, flugvallarskattar, gisting með morgunverði og íslensk fararstjórn.

*Verð án Vildarpunkta 167.900 kr.

Val di Fiemme



Hótel Shandrani 19. - 28. janúar ★★★★★

Val di Fiemme - Skíðasvæði með löngum, flottum brekkum sem kemur þér skemmtilega á óvart.

Verð frá 185.100 kr.*

og 15.000 Vildarpunktar

á mann í tvíbýli á hótel Shandrani, sem er glæsilegt fjögurra stjörnu hótel með öllum þægindum.

Innifalið: Flug, flugvallarskattar, gisting, hálf fæði og íslensk fararstjórn.

*Verð án Vildarpunkta 195.100 kr.

Selva, Val Gardena



Hótel Olympia 19. - 28. janúar ★★☆☆

Selva, Val Gardena - Stærsta skíðasvæði í Evrópu. Náttúruvegurð, nægur snjór og brekkur fyrir alla. Það er Selva!

Verð frá 221.400 kr.*

og 15.000 Vildarpunktar

á mann í tvíbýli á á hótel Olympia, sem er staðsett í um 200 metra fjarlægð frá lyftum.

Innifalið: Flug, flugvallarskattar, gisting með hálfu fæði og íslensk fararstjórn.

*Verð án Vildarpunkta 231.400 kr.



Við erum á

Suðurlandsbraut 2
Hilton Reykjavik Nordica



VITA er í eigu Icelandair Group.

ICELANDAIR
GROUP



VITA | Suðurlandsbraut 2 | Sími 570 4444 | VITA.is

vita

VITA er lífið



Edinborg er önnur tveggja breskra borga sem komust á lista Tripadvisor yfir þær tíu borgir í Evrópu sem bjóða upp á bestan mat og drykk.

BESTIR Í MAT OG DRYKK

Á vefsíðunni Tripadvisor.com er birtur listi yfir þær tíu borgir í Evrópu sem bjóða upp á mestar lystisemdir í mat og drykk að mati lesenda síðunnar. Það þarf ekki að koma á óvart að ítalskar borgir eru þar áberandi, en margir reka væntanlega upp stór augu við það að sjá nöfn tveggja breskra borga á listanum.

Flórens trónir efst á listanum, París er í öðru sæti og síðan Róm og Sorrento. Í fimmta sæti er svo borgin York á Englandi sem ætti að gleðja Breta þar sem þeir hafa ekki verið þekktir sem miklir matgæðingar fram að þessu. Tvær ítalskar borgir verma sjötta og sjöunda sætið, Siena og Bologna. Spánn á borgirnar í áttunda og níunda sæti, San Sebastian og Barcelona, og í tíunda sætinu er höfuðborg Skota, Edinborg, önnur breska borgin á listanum.



Hið nýja Legoland í Flórída er risastórt.

STÆRSTA LEGOLAND HEIMS

Nýr Legolandskemmtigarður var opnaður í Winter Haven í Flórída 15. október síðastliðinn. Þetta er annar Legoland-garðurinn í Bandaríkjunum en sá stærsti á heimsvísu.

Garðurinn nær yfir sextíu hektara svæði. Þar er að finna yfir fimmtíu skemmtitæki og sýningar sem byggja á mörgu því sem er í boði í öðrum Legoland-görðum. Legoland er að finna á fimm stöðum í heiminum. Fyrsti Legoland-garðurinn var byggður í Billund í Danmörku árið 1968 en síðan þá hafa verið opnaðir garðar í Windsor á Englandi, Günzburg í Þýskalandi, Kaliforníu í Bandaríkjunum og nú síðast í Flórída.


Enn fleiri Legoland-garðar eru í farvatninu. Áætlað er að opna Legoland í Malasíu á næsta ári, og verður það fyrsti Legoland-garðurinn í Asíu. Þá var áætluð að opna Legoland í Dubai á þessu ári en framkvæmdir hafa tafist.

ALLT UM KÍNA

Radio86 er eitt stærsta vefupplýsingasafn um Kína sem til er á netinu en það ber yfirskriftina Allt um Kína á íslensku. Hjá Radio86 starfar fjölþjóðlegur hópur fréttaritara og er vefsíðan á dönsku, ensku, eistnesku, finnsku, frönsku, hollensku, íslensku, litháísku, norsku og sænsku.

Á íslensku síðunni er boðið upp á fréttir, greinar og upplýsingar um það sem er að gerast í Kína, auk reglulegra birtinga á margmiðlunar-efni, hljóðupptökum, myndum og fréttabáttum. Fjallað er um kínverskan efnahag og umhverfi, menningu, lífsstíl, mat, stjórnspeki og ferðalög. Þá er boðið upp á tungumálakennslu þar sem gefin eru hljóddæmi af framburði alls kyns gagnlegra orða og setninga.

Radio86 er dótturfyrirtæki FutuVision Media Ltd. Höfuðstöðvarnar eru í Tampere í Finnlandi en auk þess eru skrifstofur í París og Peking.



Á vefsíðunni er hafsþór fróðleiks um Kína.



flugrútan

Áætlunarferðir Flugrúttunnar eru í tengslum við allar komur og brottfarir flugvéla um Keflavíkflugvöll.

RÚTAN SEM ÞÚ MÁTT EKKI MISSA AF!

NJÓTTU ÞESS AÐ FERÐAST Á EINFALDAN HÁTT.

flybus

Áætlun Flugrúttunnar frá BSÍ til Flugstöðvar Leifs Eiríkssonar

Kauptu miða á www.flugrutan.is


Alltaf laus sæti!

27. mars. - 29. október 2011

Mán. - lau.	Sunnudagur
04:40	04:40
05:00	05:00
05:20	05:20
05:40	05:40
06:00	06:00
---	---
09:30	---
10:30	10:30
11:30	11:30
12:30	12:30
13:30	13:30
---	---
14:00	14:00
15:00	15:00
16:00	---
---	---
23:00	23:00

Gildir frá 30. október 2011 - 31. mars 2012

Mán.	Þri.	Mið.	Fim.	Fös.	Lau.	Sun.
04:40	04:40	04:40	04:40	04:40	04:40	04:40
05:00	05:00	05:00	05:00	05:00	05:00	05:00
05:20	05:20	05:20	05:20	05:20	05:20	05:20
05:40	05:40	05:40	05:40	05:40	05:40	05:40
06:00	06:00	06:00	06:00	06:00	06:00	06:00
---	---	---	---	---	---	---
06:30	06:30	06:30	06:30	06:30	06:30	06:30
---	---	---	---	---	---	---
10:00	---	10:00	---	10:00	---	---
---	---	---	---	---	---	---
11:30	11:30	11:30	11:30	11:30	11:30	11:30
12:00	12:00	12:00	12:00	12:00	12:00	12:00
13:00	13:00	13:00	13:00	13:00	13:00	13:00
14:00	14:00	14:00	14:00	14:00	14:00	14:00
14:30	14:30	14:30	14:30	14:30	14:30	14:30
---	---	---	---	---	---	---
---	---	---	---	---	---	16.00



Skannaðu QR kóðann með snjallsímanum þínum



flugrútan

BSÍ Umferðarmiðstöðin • 101 Reykjavík
 ☎ 580 5400 • main@re.is • www.flugrutan.is